



## SA EXAM PAPERS

---

**YOUR LEADING PAST YEAR EXAM PAPER  
PORTAL**

Visit SA Exam Papers

[www.saexam-papers.co.za](http://www.saexam-papers.co.za)



# basic education

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA U THOMA (P1)

2017

MARAGA: 70

TSHIFHINGA: Awara 2

Bammbiri ili li na masiatari a 13.

**NDAELA NA MAFHUNGOTHANGELI**

1. Bammbiri ili li na KHETHEKANYO THARU:

KHETHEKANYO YA A:	Tholokanyondivho	(30)
KHETHEKANYO YA B:	Manweledzo/Samari	(10)
KHETHEKANYO YA C:	Zwivhumbeo na milayo ya kushumisele kwa luambo	(30)
2. Vhalani ndaela DZOTHE nga vhuronwane.
3. Fhindulani mbudziso DZOTHE.
4. Thomani KHETHEKANYO INWE na INWE kha siatari LISWA.
5. Hune KHETHEKANYO INWE na INWE ya fhelela hone ni talele.
6. Nomborani phindulo dzanu zwi tshi anana na kunomborelwe kwo shumiswaho kha ili bammbiri la mbudziso.
7. Ni tshi fhedza u fhindula mbudziso INWE na INWE ni pfuke mutaladzi.
8. Ni dzhiele nzhele mupeleto na kufhatelwe kwa mafhungo.
9. Tshifhinga tsho anganyiwaho:

KHETHEKANYO YA A:	Minetse ya 50
KHETHEKANYO YA B:	Minetse ya 25
KHETHEKANYO YA C:	Minetse ya 45
10. Nwalani nga vhudele, nahone zwi no vhalea.

**KHETHEKANYO YA A: THOLOKANYONDIVHO****MBUDZISO YA 1: U VHALA U ITALA THALUTSHEDZO NA U PFEESA**

Vhalani TSHIBVELEDZWA TSHA A NA TSHA B uri ni do kona u fhindula mbudziso dzo vhudziswaho.

**TSHIBVELEDZWA TSHA A****VHUDI HA MITAMBO YA SIALALA**

- 1 Vhavenda sa dziwe tshakha dza Afrika Tshipembe ndi vhatu vhane vha takalela zwithu zwavhudi zwine zwa vhea lushaka kha maimo avhudi vhukuma. Ndi ngazwo vho vha na mitambo yo fhambanaho ya sialala yo pfumaho ndivho ine ya vha na phatho kha lushaka. Vhavenda vha dovha hafhu vha tendela vhana vhavho vha tshi tamba mitambo iyi hu u itela uri 5 vha aluwe vhe vhatu vho talifhaho nahone vha na tshiala tshavho.
- 2 Kha vhupo vhunzhi ano maduvha ri wana hu na Senthara dza Vhudimvumvusi dzo pfumaho sialala lothe la lushaka lwa Vhavenda. Afha ri wana thangana ya murole i tshi tou vha mupfufhi u si mphire i tshi khou diphina nga mitambo yo fhambanaho ya sialala. Izwi zwi mbo ita uri vha bve kha mikhuvha mivhi ine ya ita uri vhaswa vhanzhi vha tshinyalelw 10 nga vhumatshelo.
- 3 Kha sialala la Vhavenda hu na mitambo ine ya thusa kha nyonyoloso. Yeneyo ndi i no nga khadi, hune wa wana vhana vha tshi khou thamuwa vha tshi fhufha thambo ngeno ane ya mu rwa a tshi bva ha dzhena muñwe. Bune na lone li a thusa kha u ita nyonyoloso saizwi muñwe a tshi gidimedza muñwe uri a mu swathe, a no swathiwa ndi ene a no pandamedza vhañwe uri a swathe muñwe-vho. 15
- 4 Mitambo i ngaho ndode, mufuvha, mutoga na miñwe, i ita uri vhana vha tutule maluvhi avho. Nga u ralo u wana vha tshi guda u vhalela; ri amba u tanganyisa na u tusa mbalo. Ndode dzi thusa uri kha ñwana hu kone u vha na vhuñmani kha kuhumbulele na u shuma nga zwanda. Mufuvha na mutoga na zwone zwi na mushumo muhulu wa u shomedza vhana zwikili zwa u humbula na u tandulula thaidzo dza vhutshilo. Mutambi u tea u thoma a la maluvhi musi a sa athu u bvela phanda na u tamba. 20 25
- 5 Muravaravha sa muñwe wa mitambo ya sialala u thusedza uri muthu a nga dipilela nga ndila-de uri a kone u swikelela gundo. Afha ndi hune wa wana itali muthu a tshi thoma u la marambo a thoho musi a sa athu u ya phanda na u toda ndila ine a nga kunda ngayo mukhaedu wawé.

6	Vhaṭaleli na vhone u wana vho ima hanefho tsini vha tshi khou khodedzela na u thusedza uyo ane vha ima nae. Gundo ḥawē li vha gundo ḥa tshigwada tshawe ngauri musi o kunda u wana kha tshigwada tshenetscho mapfeṇe o tsitsa vhana. Vhathada vha raloha u fhufha vhavhili vha sera.	30
7	Mudzungamo na wone u mvumvusa vhana vhaṭuku, wa dovha wa thusedza kha u shumisana na u kondelana. U wana vha tshi langana uri vhaṇwe vha ye u ḥoda tshigwada tsho dzumbamaho kha ḥinwe sia, vhaṇwe vha ye kha ḥinwe-vho. Tshigwada tshine tsha khou ḥoda a tshi neti na u fhela mbilu, nga u ralo vhana vha vha tshi khou guda u kondelana kha nyimele dici songo leluwaho. Vhaṭa vho dzumbamaho vha tea u lidza miludzi arali vho humbelwa u ita nga u ralo nga vhane vha khou vha ḥoda, izwo zwi sumbedza u vha na tshumisano.	35
8	Tshumisano ri dovha ra i wana musi hu tshi vha na madavha. Afha ndi hune ra wana vhathu vha tshi shumisana zwi tshi yelana na zwa masimuni. Vhalimi musi vha kha honohu u thusana, vha ita vha tshi ḥihomolosa nga zwiliwa na zwinwiwa, nangoho munwe muthihi itali u sa ḥusi mathuthu. Zwenezwo vhe kati na u lima ri wana vha tshi ḥimvumvusa nga dzinyimbo dzine dza vha na ḥuthuwedzo, tshumisano na vhudavhidzani.	45
9	Vhudifari na vhudifhinduleli ndi zwa ndeme kha mvelele ya Tshivenda. Ndi ngazwo ri tshi wana hu na mutambo wa mahundwane. Mutambo uyu u tambiwa nga vhaṭhannga na dzikhomba vha tshi edzisela kutshilele kwa u vha munna na mufumakadzi kune vho no vha tsini na u dzhena khakwo. Afha ri wana hu tshi vha na vhudifhinduleli ha musi muthannga a tshi vha munna, ngeno wa khomba a tshi vha wa mufumakadzi. Heneha ndi hune vha guda vhudifari nga u sa ḥidzhenisa kha zwa vhudzekani. Hu vha hu na vhana vhane avha vhavhili vha vha dzhia sa vhavho hu u itela u guda kualusele kwa vhana, na vhone vhana hu na zwine vha tea u zwi guda zwine zwa vha ḥonifho ya vhabebi.	50
10	Mitambo yeneyi ya sialala ndi yone ḥuthuwedzo i disaho nyandano lushakani. Ndi ngazwo vhudavhidzani kha Vhavenda vhu tshithu tsha ndeme tshine tsha fhaṭa vhushaka na vhuledzani havhuḍi kha vhadzulelani.	60
11	Vhavenda kha ri ite bembela kha lushaka u itela uri ri si xelelwé nga mitambó iyi ya sialala. Ndi hone vhana vhashu vha tshi do aluwa vhe vhathuvhathu vho dziaho zwi tshi kwama mikhwa na matshilisano, zwo ralo shango ḥashu ḥa sina na midzi.	65

[Zwi bva kha: *Thimu ya Vhatoli*]

## TSHIBVELEDZWA TSHA B



[Zwi bva kha: <http://www.google.com>]

## MBUDZISO: TSHIBVELEDZWA TSHA A

- 1.1 Musi no vhala phara ya u thoma, ndi zwifhio zwivhuya zwine zwa  $\hat{d}$ iswa nga mitambo ya sialala  $\hat{a}$  Vhavenda? (1)
- 1.2 Vhalani phara ya 2.  
Sumbedzani uri iyo 'mikhuvha miyhi' i nga vha na masiandaitwa- $\hat{d}$ e kha vhaswa vha shayaho zwa u  $\hat{d}$ imvumvusa ngazwo. (2)
- 1.3 Vhalani phara ya 3.  
Bviselani khagala ni tshi sumbedza hune mutambo wa khadi na wa bune ya fana hone, na phambano ya iyi mitambo mivhili. (3)
- 1.4 No sedza phara ya 4, ndi zwifhio zwi sumbedzaho uri mufuvha ndi wa ndeme kha vhutshilo ha vhathu? (2)
- 1.5 U ya nga phara ya 5, ndi ushio muhumbulo muhulwane une muñwali a tama u u bveledza? (2)

- 1.6 Kha mutualadzi wa 28, hu na liambele: 'u la marambo a thoho'.  
Li kwama hani kupfesesele kwañu kwa iyi phara? (2)
- 1.7 'Madavha' arali ra a shumisa ano mađuvha ni vhona a tshi nga shandukisa hani kutshilele? Tikedzani muhumbulo wañu. (3)
- 1.8 U ya nga ha phara ya 7, ndi zwifhio zwine na sola kha uyu mutambo? (1)
- 1.9 No vhala phara ya 8, ni a tendelana na na kuhumbulele kwa munwali? Tikedzani phindulo yañu. (2)
- 1.10 Uya nga muhumbulo wañu, ni vhona mitambo ya sialala i tshee na vhuimo kha vhutshilo ha ano mađuvha? Tikedzani kuhumbulele kwañu. (3)

**MBUDZISO: TSHIBVELEDZWA TSHA B**

- 1.11 Musi no talela tshifanyiso itshi, hu vhonala hu na muñwe wa vhatambi a songo dzhiaho maga a tsireledzo kha khombo musi a tshi khou tamba. Sumbedzani uri ndi ngani ni tshi ralo. (2)
- 1.12 Ni nga ri mini nga siangane/nyimele i taniwaho kha tshifanyiso itshi? (2)
- 1.13 U ya nga kuvhonele kwañu, mutambo uyu u na thuthuwedzo-de kha pfunzo ya vhaswa vha ano mađuvha? (2)

**MBUDZISO: TSHIBVELEDZWA TSHA A NA TSHA B**

- 1.14 Nga kuvhonele kwañu, ndi tshifhio TSHIBVELEDZWA, tsha A kana tsha B, tshine na vhona tshi na ndeme khulwane kha vhavhali? Khwathisedzani kuvhonele kwañu. (3)

**THANGANYELO YA KHETHEKANYO YA A:** 30

**KHETHEKANYO YA B: MANWELEDZO/SAMARI****MBUDZISO YA 2: U NWELEDZA NGA MAIPFI ANU**

Vhalani TSHIBVELEDZWA TSHA C nga vhuronwane. Afha hu t̄andavhudzwa kulangelwe kwavhuđi kwa bindu.

**THANYELANI:** Ni lavhelelwa u ita zwi tevhelaho:

1. Nweledzani nga maipfi anu ni tshi sumbedza kulangelwe kwavhuđi kwa bindu.
2. Nwalani phara yo lunzhedzanaho tshidele, ni shumise maipfi anu.
3. Manweledzo anu a faredze mbuno dza SUMBE dzi kha phara nga maipfi a sa fhiri 90.
4. A ni lavhelelwi u dzenisa t̄hoho ya manweledzo.
5. Sumbedzani tshivhalo tsha maipfi mafheloni a manweledzo anu.

**TSHIBVELEDZWA TSHA C****THIKHO DZA VHUBINDUDZI**

Vhubindudzi ndi tshithu tshihulwane kha liphasi lothe ngauri u aluwa na u wa ha ikonomi zwi vhangwa nga ndila ine vhubindudzi ha bveledzwa na u langiwa ngayo.

Mvelaphanda ya shango i ditika nga vhubindudzi, honeha uri i vhe hone hu tea u vha na tshipikwa tshine tsha swikelelwa. Tshifhinga tshothe itsi tshipikwa kha tshi vhe thone mutheo wa mveledziso ya mabindu.

Hu na vhatu vhanzhi vhane vha tama kana vha takalela u vula mabindu fhedzi dza rwa gona nga u shaya masheleni a u thoma bindu lenelo. Muthu wa vhatu a nga humbeli ndambedzo ya masheleni kha zwiimiswa zwa masheleni two fhambanaho a thoma bindu lawe.

Musi muthu a na mbonelaphanda u kona u bveledza kuhumbulele kwo dziaho na u pferesa ndila ya vhubindudzi nga vhuphara. Ndi fha hune a do thoma a vha na pulane ya bindu, a divhetshela mulayo na mikano uri a si khakhisee. Arali bindu lenelo li sa tshimbili nga ndavhelelo yawe, u a sedzulusa pulane yawe a i dzudzanya nga huswa lune ya do swikelela thodea dzawe.

Mabindu manzhi a a wa arali ramabindu onoyo a na vhuovheleli, u shaya ndivho khathihi na tshenzhemo. Izwo zwi mbo vha na masiandaitwa a si avhudi, nga zwenezwo muthu u tea u thogomela uri a vhe na nzhele ya u alusa bindu lenelo.

Muthu ha pfumi nga duvha lithihi; ramabindu u tea u linda na u thogomela bindu lawe. Tshifhinga tshothe hu tea u tolwa tshitoko u itela uri a kone u vhona mbuyelo kha zwine a khou bindudza zwone ngauri masheleni ane a khou dzhena a tea u fhira ayo ane a khou bva.

Ndango ya masheleni musi zwi tshi da kha vhubindudzi ndi ya ndeme. Musi masheleni a tshi khou dzhena nga vhunzhi, u tea u a isa ho teaho, a sa sokou a phusukanya. Ha vhuya ha vha na ndango i si yavhudzi ya masheleni, bindu li a wa ha mbo vha u vala zwa mbo ya na vhusulu.

Ramabindu u tea u vha muthu ane a vha na dzangalelo la u guda maitele maswa a vhubidudzi. Zwenezwo zwi nga mu thusa u vha na tshumisano na vhaiwe vhabindudzi, zwa thusa kha u alusa na u khwaθthisa bindu lawe.

Hu na mabindu manzhi ane a wa a tshi kha di bva u thoma nga u shaya hone vhudifhinduleli na vhudikumedzeli kha kutshimbidzele kwao. Vhe u thanya a si u bebwa kale, ndi u tsha gole wa vhona.

[Zwi bva kha: *Thimu ya Vhatoli*]

**THANGANYELO YA KHETHEKANYO YA B:** 10

**KHETHEKANYO YA C: ZWIVHUMBEO NA MILAYO YA KUSHUMISELE  
KWA LUAMBO**

**MBUDZISO YA 3: U SENGULUSA KHUNGEDZELO**

Talelani TSHIBVELEDZWA TSHA D uri ni do kona u fhindula mbudziso dzo disendekaho khayo.

**TSHIBVELEDZWA TSHA D**

### VHALONDOTI!!!



Ndi hone haya ha vharangaphanda vha matshelo.

Ri mu vhumba a bva e wa mikhwa vhukuma.

Ri si tsha amba vhutali.

Ndi u tañwa, ndi u thonixwa ndi uho?

Luafhulelo kha vho ñwalisaho mafheloni a tshimedzi.

Kha vha tavhanye vha sa kundelwe.

Mitengo ndi u bva kha R300 nga ñwedzi.

Vha si zwi ite madze.

Ro tokà midzi kha la Mavhiđe.

Kha vha ri kwame nga u bonya ha ito kha nomboro dzi tevhelaho: 086 876 9876.

[Tshi bva kha: <http://images.google.co.zw/>]

**MBUDZISO: TSHIBVELEDZWA TSHA D**

- 3.1 Ni vhona iyi khungedzelo yo livhiswa kha tshigwada tshifhio tsha vhathu? (1)
- 3.2 Vhalani fhungo li tevhelaho: 'Vha si zwi ite madze.'
- Talutshedzani ndivho ine mukungedzeli a tama u i bveledza nga fhungo ili. (2)
- 3.3 Kha iyi khungedzelo, hu na ipfi lo khakheaho kha mupeleto walo.
- Inwi li riwaleni no li khakhulula li kha fhungo le na tou disikela. (2)
- 3.4 Neani phindulo yo teaho kha mutevhe we na newa afho fhasi u bvisela khagala muhumbulo wa fhungo li tevhelaho:
- Mukungedzeli o shumisa ipfi 'vhumba' a tshi toda u bveledza tshifanyiso-de maelana na khungedzelo iyi?
- A U ola riwana wa mikhwa.  
B U funa riwana wa mikhwa.  
C U alusa riwana wa mikhwa.  
D U thogomela riwana wa mikhwa. (1)
- 3.5 Fhongo asili: 'Mitengo ndi u bva kha R300 nga riwedzi.'
- Talutshedzani thekhiniki ye mukungedzeli a i shumisa nga ili fhungo. (2)
- 3.6 U ya nga kuvhonele kwanu, ni vhona mukungedzeli o swikelela thodea dza khungedzelo? Tikedzani phindulo yanu. (2)
- [10]

## MBUDZISO YA 4: U PFEESA ZWIŃWE ZWIBVELEDZWA ZWA VHUDAVHIDZANI

Talelani TSHIBVELEDZWA TSHA E uri ni do kona u fhindula mbudziso dzo disendekaho khatsho.

### TSHIBVELEDZWA TSHA E: KHATHUNI

#### FUREME YA 1



#### FUREME YA 2



[Tshi bva kha: Madam & Eve]

### MBUDZISO: TSHIBVELEDZWA TSHA E

- 4.1 Ndi zwifhio zwine zwa khou tanwa nga iyi khathuni? (2)
- 4.2 Musi no talela fureme ya 1, ndi zwifhio zwine na sola maelana na mvelele ya Tshivenda? (2)
- 4.3 Nangani phindulo yoneyone kha mutevhe wo nekedzwaho afho fhasi:  
Musi muambi a tshi ri: 'Mushumo u shavha zwanda', o shumisa figara ya muambo ya ...  
 A lifanyisi.  
 B liedzamuthu.  
 C limethafore.  
 D livhuvhisi. (1)
- 4.4 Sumbedzani tshiteriothaaphi/u vhona zwithu nga ito lithihi ho sumbedzwaho kha Fureme ya 2 no sedzesza zwi ambiwaho na zwine na tou vhona kha iyi khathuni. (3)
- 4.5 Ni nga ri mini nga vhuđipfi ha mufumakadzi a re kha Fureme ya 2?  
Tikedzani phindulo yanu. (2)

**MBUDZISO YA 5: KUSHUMISELE KWA LUAMBO NGA NDILA YONE**

Vhalani TSHIBVELEDZWA TSHA F uri ni do kona u fhindula mbudziso dzo disendekaho khatsho.

**TSHIBVELEDZWA TSHA F****MULORO WO WEDZA**

- 1 Mmbudzeni o vha a tshi lisa mbudzi dza makhulu wawe Vho-Dzulani. Zwo vha zwi zwithu zwe khae zwa tou nga mutambo ngauri o vha a sa zwi funi zwone. Musi e tshikoloni o vha a tshi zuwela khonani dzawe uri u takadzwa nga u lisa mbudzi, kholomo, nngu nz. O vha a tshi todou divhesesa kha khonani dzawe arali vha tshi zwi takalela u ya malisoni. 5 Vhone-vho nga u funesa mafhungo vha tshi mu fhindula vha sokou ri: 'Ee', vha tshi khou itela uri a ise phanda na u lopola ngeno zwo vha zwi siho mbiluni dzavho.
- 2 Linwe duvha a tshi bva tshikoloni u wana mbudzi ye makhulu wawe vha mu livhuwa ngayo, yo dzwala nga mbokoto. Zwenezwo o ri u takala a nga a sa nanzwa makole. Zwo mu fha dzangalelo la u toda u vha rabulasi musi o no hula. O do totela makhulu wawe nga ha muhumbulo uyo, makhulu wawe vha mu eletshedza uri a futelele tshikolo uri a do kona u vha rabulasi wa vhutali. Malume wawe musi vha tshi pfa ayo mafhungo vho sea vha ri lutukana lu nga si kone u vha rabulasi, zwo balela ri ne vhakalaha. Tshikoloni o mbo di dzhia bu do la zwa Vhulimi na Vhufuwi, he a vha a tshi tou rwa a dududza. Mmbudzeni o fhedzisela o bveledza muloro wawe nge a vha rabulasi muhulwane kha vhupo ha hawe. 10 15

[Tshi bva kha: *Thimu ya Vhatoli*]

**MBUDZISO: TSHIBVELEDZWA TSHA F**

- 5.1 Kha phara ya 1, hu na maipfi mavhili ane a amba zwi no todou fana afho he a shumiswa. Inwi a topoleni. (2)
- 5.2 Kha mutualadzi wa 4, hu na aburivesheni/pfufhifhadzo yo shumiswaho. Inwi i topoleni ni dovhe ni i nwale nga vhu daloo. (2)
- 5.3 Kha phara ya 2, hu na dzina 'mbokoto'. Neani dzina la tshisadzi tsha lo ni dovhe ni li shumise fhungoni. (2)

- 5.4 Kha mutualadzi wa 3, hu na limudi la dzinaliiti.  
Li topoleni ni dovhe ni li nwale li kha khanedza. (2)
- 5.5 Kha phara ya 2, hu na he muñwali a shumisa aironi.  
Sumbedzani aironi iyo zwi khagala. (2)  
[10]

THANGANYELO YA KHETHEKANYO YA C: 30  
MARAGAGUTE: 70